

18. november 2013

UKA 2013/58  
Ruth Heilmann

**Ineriartornermikkut akorngutillit ingerlaqqinnissaminnut ilinniartinneqartarnerisa, oqittunik suliffeqartarnerisa aamma taamaaqatiminnik najugaqarfinni najugaqartarnerisa siunissami qanoq pitsannngorsarneqarsinnaanerit pillugu apeqquteqaat allaavigalugu oqallinnissamik siunnersuut.**

(Inatsisartunut ilaasortaq Agathe Fontain, Inuit Ataqtigiit)

Inatsisartuni ilaasortaq Agathe Fontain Inuit Ataqtigiit apeqqummik soqutiginarumik qa-qitsinera Siumumit qujassutigaarput.

Nunatsinni ineriartornermikkut akorngutillit isumagineqarnerat pitsaasoq anguniarlugu siunnersuuteqartutuulli suliniuteqarnissaq aamma Siumumit pisariaqartutut isumaqarfigaarput. Siullermik atuarfimmi siusissukkut iliuuseqarnissamut suliniutaasut nukittorsarneqar-nissaat aammalu angajoqqaanut attaveqarluarnissamik suleqateqarnissamillu piumas-aqataasut eqqortinniarlugit ilinniartitsisut suleqatigineqarnissaat aammalu kommuneqar-fimmit tapersorsorneqarnerunissaminnik suaarutaasa tusaaniarneqarnissaat iliuuseqarfigi-neqarnissaallu matumuuna suliassani pingaartuutinneqarnissaat piumasaraarput. Siumu-mit isumaqaratta tassuunakkut suliniutaasut sukumiisumik tapersorsorneqarnerisigut ki-ngusinnerusukkut ajornartorsiutaalersartut annikinnerulersinnaanerit anguneqarsinnaasu-tut isigigatsigu.

Ukiuni makkunani aggersunilu ineriartornikkut akorngutilinnik naammattuugaqartuarnissaq qularutissaanngilaq. Tamatta assigiinngitsuugatta atuagarsornikkut sanngiitsunik ilaqartu-artussaavugut, taakkuussappullu aamma inissaqartinneqartariaqartut periarfissarsiuun-neqarlutillu, assorsornikkut sammisumik periarfissarsiuunneqarnissaat imaluunniit suli atu-agarsornikkut piginnaanngorsaannermik pisariaqartitsippata ilinniartissannik aqutissiuus-sinissaq eqaallisaanissarlu ingerlattariaqarparput. Suliffeqarfinniissinnaanngippatalu im-mikkut oqimaappallaanngitsunik sullivissaannik pilersitsiniarnissaq aamma eqqarsaa-titsinniittariaqarpoq.

Siumumit isumaqatigaarput nunat allat aammalu kommunit ilaat qanoq periuseqartumik taamatut sanngiitsortaminnut iliuusaannik misilittagaannillu takuniaasartariaqartugut isu-massasiorfigalugillu, soorlu nunat avannaamioqativut Islandi Savalimmiullu aamma tas-suunakkut siuarsimassuseqartut paasiniaaffiginissaat aammalu qallunaat nunaat siun-nersuuteqartumit eqqaaneqarpoq soorlu Ålborg Kommuneani periutsit aamma ilinniartigineqarsinnaanerit.

Siumumit pinngitsoorumangilagut nunatsinni innarluutilittatsinnut qanoq iliuitsit qiviarnissaat atuartitaanikkut ilinniartitaanikkullu ullumikkut qanoq inissisimasoqarnera. Soorlu Ado Lyngep atuarfiani misilittakkat. Aammalu meeqqanut inuusuttunullu innarluuteqartunut angajoqqaat peqatigiiffiat "Inooqat". Taakkua qanittukkut nunarput angallavigaat periarfissaasunik siunnersuillutik oqaloqatiginnillutik ataatsimiititsisarlutillu tassuunakkut Siumumit Inooqat nersualaarusupparput suliniutigisaminnik ilumoorussillutik angusaqarluarumallutillu suliniutaat pillugit. Soorunalimi kissaatiginarluinnarpoq taakkua aamma qanimut suleqatigineqarnissaat qanoq ittumik pilersaaruteqarnissami soorlu aamma Naalakkersuisut eqqarsaataanni Ilinniartitaanikkut Pilersaarummik Il-mik pilersaarusiormi.

Piginnaangorsaaqqinnermi iliuuserisat aammalu tassuunakkut kommunit qanoq inissimanerat angusarisartagaallu Siumumit uunga oqaluuserisamut tunngatillugu assut soqutiginartutut isumaqarfigaarput. Piginnaangorsaaqqinnermut aningaasaliissutit qanoq atortinneqartarnerat angusaqarfiusarnerallu paasisaqarluarfigissallugit pisariaqarpoq, qulannangitsumik ineriartormikkut akorngutillit inuussutissarsiutigiligassaminnik ilinniagaqarnissaat eqqarsaatigalugu maannamut misilittagaasut suliffeqarfiillu atorneqartarneri qanorlu suleqatigineqarsinnaanerat ullumikkornit eqaannerusumik aqqutissiuunneqarnissaat Siumumit kissaatiginartuutikkatsigu.

Taamatut Siumumit oqallisigisamut oqaaseqarpugut neriulluta aamma isummat oqaatigineqartut suleriaqqinnissami iluaqutaajumaartut.